

漢 桑 欽撰 後魏 酈道元 注

明 李長庚訂 孫汝澄

朱謀埠箋 李克家全校

陰溝水 汧水

陰溝水出河南陽武縣浪蕩渠

陰溝首受於大河卷縣故瀆東南逕卷縣故城南  
又東逕蒙城北史記秦莊襄王元年蒙驁擊取成  
臯滎陽初置三川郡疑即驁所築也於是宋本未  
詳故瀆東分爲二世謂之陰溝水京相璠以爲出

水經注箋 卷二十三 一 演

河之濟又非所究俱東絕濟隊右溝東西逕陽池  
城北東南絕長城逕安亭北又東北會左瀆左瀆  
又東絕長城逕垣雍城南昔晉文公戰勝于楚周  
襄王勞之于此故春秋書甲午至於衡雖作王宮  
於踐土呂氏春秋曰尊天子於衡雖者也郡國志  
曰卷縣有垣雖城即史記所記韓獻秦桓公當作垣雍  
是也又東逕開光亭南又東逕清陽亭南又東合  
右瀆又東南逕封丘縣絕濟瀆東南至大梁合浪  
蕩渠梁溝既開浪蕩渠故濟實兼陰溝浚儀之稱  
故云出武陽逕大梁城北左屈溝與梁合俱東南



流同受鴻溝也故曰

宋本作同受鴻溝沙水之目

其川流之會

左瀆東導者即汲水也蓋津源之變名矣故經云

陰溝出瀆蕩者

一作渠也

東南至沛為過水

陰溝始亂瀆蕩終別於沙而過水出焉過水受沙

謝云一作受沙水

於扶溝縣爾雅曰過為洵郭景純曰大

水溢出別為小水也呂忱曰洵過水也過水逕大

扶城西城之東北悉諸袁舊墓

當作墓

碑字傾低羊

虎碎折唯司徒滂蜀郡太守騰博平令光碑字所

存唯此自餘殆不可尋過水又東南逕陽夏縣西

水經注箋

卷二十三

二

三

又東逕邈城北城實中而西有瓌郭過水又東逕

大棘城南故鄢之大棘鄉也春秋宣公二年宋華

元與鄭公子歸生戰于大棘獲華元左傳曰華元

殺羊食士其御羊斟不與及戰曰疇昔之羊子為

政今日之事我為政遂御入鄭故見獲焉後其地

為楚所并故圈稱曰大棘也地有楚太子建之墳

及伍員釣臺池沼具存過水又東逕安平縣故城

北陳留風俗傳曰大棘鄉故安平縣也七人敦憊

易以統御過水又東逕鹿邑城北世謂之虎鄉城

非也春秋之鳴鹿矣杜預曰陳國武平西南有鹿







注之谷水首受渙水于襄邑縣東逕承匡城東  
春秋經書夏叔彭生會晉郤缺于承匡左傳曰謀  
諸侯之從楚也京相璠曰今陳留襄邑西三十里  
有故承匡城谷水又東南逕巴吾縣故城西陳留  
風俗傳曰縣故宋也雜以陳楚之地故梁國寧陵  
縣之徙種龍鄉也以成哀之世戶至八九千冠帶  
之徒舊本求置縣矣求元十一年陳王削地後漢書陳  
王鈞坐殺人事削以大棘鄉直陽鄉自隱隸之命  
西華項新陽三縣以嘉名曰巴吾猶有陳楚之俗焉谷水又東逕柘  
縣故城東地理志淮陽之屬縣也城內有柘令許

水經注箋

卷二十三

君清德頌石碎字紊唯此文見碑城西南里許有  
漢陽種令許叔臺碑光和中立又有漢故樂成陵  
令太尉掾許嬰碑嬰字虞卿司隸校尉之子建寧  
六年立餘碑文字碎滅不復可觀當似司隸  
一作元年諸碑也谷水又東逕苦縣故城中水泛則四周隍  
塹耗則孤津獨逝谷水又東逕賴鄉城南其城實  
中東北隅有臺偏高俗以是臺在谷水北其城又  
謂之谷陽臺非也谷水自此東入過水過水又北  
逕老子廟東廟前有二碑在南門外漢桓帝<sup>建寧</sup>宮

宋本作桓管霸祠老子命陳相邊韶撰碑北有雙



石闕甚整頓石闕南側魏文帝黃初三年逕譙

經所勒闕北東側有孔子廟廟前有一碑西面是

陳相魯國孔疇建和三年立北則老君廟廟東院

中有九井焉又北過水之側又有李老母廟

古家廟在老子廟北廟前有李母

冢冢東有碑是永興元年譙令長沙王阜所立碑

云老子生於曲過間許慎又云過水首受淮陽扶

溝縣蕩蕩渠不得至沛方為過水也過水又屈東

逕相縣故城南其城卑小實中邊韶老子碑又云

老子楚相縣人也相縣虛荒今屬苦故城猶存在

水經注箋

卷二十三

賴游鄉之東過水處其陽然即此城也自是無郭

以應之過水又東逕譙縣故城北春秋左傳僖公

二十二年楚成得臣帥師伐陳遂取譙城頓而還

是也孫云按左傳僖公二十二年秋楚成得臣帥師伐陳遂取焦夷城頓而還注焦譙城夷城

父也王莽之延成亭也魏立譙郡沈州治沙水自南

枝分北逕譙城西而北注過過水四周城側城南

有曹嵩冢續漢書云曹嵩字巨高為中常侍曹騰養子官司隸校尉歷大司農大鴻臚太

尉黃初元年追尊曰太皇帝冢北有碑碑北有廟堂餘基尚存

柱礎仍在廟北有二石闕雙峙高一丈六尺棖櫨

及柱皆雕鏤雲炬當作雲烟上學魚已碎闕北有圭碑



題云漢故中常侍長樂太僕特進費亭侯曹君之碑延熹三年立碑陰又刊石策二碑文同夾碑東西列對兩石馬高八尺五寸石作粗拙不匹光武隧道所表象馬也有兄騰冢舊本作騰兄冢按司馬彪續漢書曹節四子長伯興次仲興次叔興騰字季興所謂騰兄則伯仲與叔也騰更無弟吳本作兄騰似誤又騰少除黃門從官自小黃門遷至中常侍大長秋在省闈三十餘年亦未嘗為潁川太守也冢東

有碑題云漢故潁川太守曹君墓延熹九年卒而不刊樹碑歲月墳北有其元子熾冢冢東有碑題云漢故長水校尉曹君之碑歷太中大夫司馬長史引侍中遷長水年三十九卒熹平六年造熾弟

水經注箋 卷二十三

胤冢冢東有碑題云漢謁者曹君之碑熹平六年立城東有曹太祖舊宅所在負郭對廛側隍臨水魏書曰太祖作議郎告疾歸鄉里築室城外習讀書傳秋冬射獵以自娛樂文帝以漢中平四年生於此上有青雲如車蓋終日乃解即是處也後文帝以延康元年幸譙大饗父老立壇於故宅壇前樹碑碑題云大饗之碑碑之東北過水南有譙定王司馬士會冢冢前有碑晉永嘉三年立碑南二百許步有兩石柱高丈餘半下為束竹交文作制乃士作制乃士字誤當云制作工巧石闕云晉故使持節散騎常



侍都督揚州江州諸軍事安東大將軍譙定王河

內温公司馬墓之神道當云河內温司馬公墓晉書譙剛王遜字子悌宣帝

弟魏中郎將進之子也封涇陽男武帝受禪過水封譙王泰始二年薨子隨立隨薨諡定王

又東逕朱龜墓北東南流冢南冢南枕道有碑碑

題云漢故幽州刺史朱君之碑龜字汨靈當作伯靈光

和六年卒官故吏別駕從事史右北平無終年化

中平二年造郡國志右北平有無終縣年化碑陰當作年化即造碑故吏姓名也碑陰

刊故吏姓名悉薊涿及上谷北平等入過水東南

逕層丘北丘阜獨秀巍然介立故壁壘所在也過

水又東南逕城父縣故城沙水枝分注之水上承

水經注箋

卷二十三

沙水於思善縣世謂之漳水故有漳頭之名也東

北流逕城父故城西側城東北流入於過過水又

東逕下父城北克家云當作下城父郡國志曰山桑縣有下

脫一父聚者也過水又屈逕其聚東郎山西又東

南屈逕郎山南山東有垂惠聚世謂之禮成當作禮城

袁崧郡國志曰山桑縣有垂惠聚即此城也過水

又東南逕過陽城北臨側當作側臨過水魏太和中為

州治以蓋表為刺史後罷州立郡舊本作罷州立碑吳本改為立

郡衿帶過水又東南逕龍亢縣故城南漢建

武十三年世祖封傅昌為侯國故語曰沛國龍亢



至山桑者也。過水又屈而南流出石梁梁石崩禿夾岍積石高二丈水歷其間又東南流逕荆山而東流注也。

又東南至下邳淮陵縣入于淮

過水又東左合北肥水肥水出山桑縣西北澤藪東南流左右翼佩數源異出同歸蓋微脉涓注耳東南流逕山桑邑南俗謂之北平城昔文欽之封山桑侯疑食邑於此城東南有一碑碑文悉破無驗唯碑背故吏姓名尚存熹平元年義北門生沛國蕭謝云蕭下疑有縣字劉定興立北肥水又東逕山桑縣

水經注箋

卷二十三

八

三百七十三

故城南俗謂之都亭城非也。今城內東側猶有山亭祭立陵阜高峻非洪臺所擬。十三州志所謂山生於邑其庭有桑因以氏縣者也。郭城東有文穆冢碑三世二千石穆郡戶曹史徵試博士太常丞以明氣候擢拜侍中右中郎將遷九江彭城陳留四部光和中卒故吏涿郡太守彭城呂虔等立北肥水又東積而為陂謂之瑕陂陂水又東南逕瑕城南春秋左傳成公十六年楚師還及瑕卽此城也故京相璠曰瑕楚地北肥水又東南逕向縣故城南地理志曰故向國也世本曰許州向申謝云申字



誤當作許姜姓也炎帝後京相璠曰向沛國縣今

并屬譙國龍亢也杜預曰龍亢縣東有向城漢世

祖建武十三年更封富波侯王霸為侯國即此城

也俗謂之圓城非又東南逕義城南世謂之楮城

非又東入于過過水又東注淮經言下邳淮陵入

淮誤矣

汲水出陰溝于浚儀縣北

陰溝即浪蕩渠也亦言汲受旃然水又云丹泌亂

流於武德絕河南入滎陽合汲故汲兼丹水之稱

河沛水新宋本作汲承旃然而東自王實灌大梁

水經注箋 卷二十三

九

王實當作王賁史記秦始皇二十二年王賁攻魏引河溝灌大梁大梁城壞其王請降水出

縣南而不逕其北夏水洪泛則是瀆津通故渠即

陰溝也於大梁北又曰浚水矣故圈稱著陳留風

俗傳曰浚水逕其北者也又東汲水出焉故經云

汲出陰溝於浚儀縣北也汲水東逕倉垣城南即

大梁縣之倉垣亭也城臨汲水陳留相畢邈治此

征東將軍荀晞之西也邈走歸京晞使司馬東萊

王讚代據倉垣斷留運漕晉書荀晞字道將為征東大將軍威名甚盛時

人擬之韓白進大將軍加黃鉞晞以京邑荒饑寇難交至表請遷都遣船迎帝俄而京師陷晞與王

讚屯倉垣汲水又東逕陳留縣之鉞鄉亭北陳留風俗



傳所謂縣有鉞鄉亭卽斯亭也。汲水又逕小黃縣故城南。神仙傳稱靈壽光扶風人，死於江陵胡罔家，罔殯埋之後百餘日，人有見光於此縣，寄書於罔，罔發視之，唯有履存，汲水又東逕鳴鴈亭。南春秋左傳成公十六年，衛侯伐鄭，至於鳴鴈者也。杜預釋地云：在雍丘縣西北，今俗人尚謂之爲白鴈亭。汲水又東逕雍丘縣故城北。逕陽樂城南。西征記曰：城在汲北一里，周五里。雍丘縣界汲水又東有故渠出焉，南通睢水，謂之董生決，或言董氏作亂，引水南通睢水，故斯水受名焉。今無水。汲水又

東枝津出焉，俗名之爲落架口。西征記曰：落架水名也。續述征記曰：在董生決下二里。汲水又逕外黃縣南，又東逕莠倉城北。續述征記曰：莠倉城去大游墓二十里，又東逕大齊城南。陳留風俗傳曰：外黃縣有大齊亭，又東逕科城北。陳留風俗傳曰：縣有科稟亭，是則料稟亭也。汲水又東逕小齊城南。汲水又南逕利望亭。南風俗傳曰：故曰謝云曰字疑衍成安也。地理志曰：陳留舊名漢武帝以封韓延年爲侯國。汲水又東，龍門故瀆出焉。瀆舊通睢水，故西征記曰：龍門水名也。門北有土臺高三丈餘，上



方數十步。汲水又東。逕濟陽考城縣故城南。爲  
獲渠。考城縣周之采邑也。於春秋爲戴國矣。左傳  
隱公十年秋，宋衛蔡伐戴，是也。漢高帝十一年秋，  
封彭祖爲侯國。陳留風俗傳曰：秦之穀縣也。後遭  
漢兵起，邑多災，年故改曰留縣。王莽更名嘉穀。漢  
章帝東巡，過縣，詔曰：陳留縣其名不善。高祖鄙柏  
人之邑。世宗休聞喜而顯，獲嘉應亨。吉元符嘉皇  
靈之故。宋本作願賜越有先。一作光列考武王其改留縣  
曰考城。是瀆蓋因縣以獲名矣。汲水又東。逕寧陵  
縣之沙陽亭北。故沙隨國矣。春秋左傳成公十六

水經注箋

卷二十三

十一

四百五

年秋會于沙隨，謀伐鄭也。杜預釋地曰：在梁國寧  
陵縣北。沙陽亭是也。世以爲堂城，非也。汲水又東，  
逕黃蒿塢北。續述征記曰：堂城至黃蒿二十里。汲  
水又東，逕斜城下。續述征記曰：黃蒿到斜城五里。  
陳留風俗傳曰：考城縣有斜亭。汲水東，逕周塢側。  
續述征記曰：斜城東三里。晉義熙中，劉公遣東超  
之。舊本作周超之，故有周塢之名。吳本作東超之，誤矣。自彭城緣汲。宋本作汲，故  
溝斬樹穿道七百餘里，以開水路，停薄於此。故茲  
塢流稱矣。汲水又東，逕葛城北。故葛伯之國也。孟  
子曰：葛伯不祀，湯問曰：何爲不祀？稱無以供祠祭。



遺葛伯葛伯又不祀湯又問之曰無以供犧牲湯  
又遺之又不祀湯又問之曰無以供粢盛湯使亳  
衆往爲之耕老弱饋食葛伯又率民奪之不授者  
則殺之湯乃伐葛葛於六國屬魏魏襄王以封公  
子無咎號信陵君史記云魏公子無忌者魏昭王  
少子而魏安釐王異母弟也昭  
王薨安釐王卽位封公子爲信陵君此云魏襄王  
封公子無咎號信陵君恐傳寫之譌又按魏世家  
襄王立十六年卒子哀王在位二十三年卒昭王  
嗣位十九年卒而後安釐立距襄王之卒已四十  
二年矣其地葛鄉卽是城也在寧陵縣西一作十里  
郡國志云梁國寧陵縣故屬  
陳留有葛鄉故葛伯國也又東逕夏侯長塢續述征記曰夏侯塢至周塢各

水經注箋

卷二十三

相距五里汲水又東逕梁國睢陽縣故城北而東  
歷襄鄉塢南續述征記曰西去夏侯塢二十里東  
一里卽襄鄉浮圖也汲水逕其南漢熹平君所立  
按熹平是漢靈帝年號此當云熹平某年某君所  
立今日熹平君知有脫落也宋本亦然其墜六文  
矣死因葬之弟刻石樹碑以進厥德宋本作  
旌厥德隧前  
有師子天鹿搏宋本  
作搏作百樹柱八所荒蕪頽毀凋  
落略盡矣

入東至梁郡蒙縣爲濉水餘波南入淮陽城中

汲水又東逕貫城南俗謂之薄城非也闕駟十三  
志以爲貫城也在蒙縣西北春秋僖公二年齊



侯宋公江黃盟于貫杜預以為貫也云貫貫字相

似貫在齊謂貫澤也是以非此也今於此地更無

他城在蒙西北唯是邑耳考文準地貫邑明矣非

毫可知汲水又東逕違縣故城北俗謂之小蒙城

也西征記城在汲水南十五六里即莊周之本邑

也為蒙之漆園吏郭景純所謂漆園有傲吏者也

悼惠施之沒杜門於此邑矣史記莊子名周蒙人

子云莊子送葬過惠子之墓謂從者曰自夫子之死也吾無以為質矣吾無與言之矣汲水

自縣南出今無復有水唯睢陽城南側有小水南

流入于睢城南二里有漢太傅掾橋載墓碑載字

水經注箋

卷二十三

元賓梁國睢陽人也睢陽公子熹平五年立城東

百步有石室刊石宋云作刊云漢鴻臚橋仁祠宋本城

北五里有石虎石柱而無碑誌不知建也宋本云不知何

時建也汲水又東逕大蒙城北自古不聞有二蒙疑

即蒙毫也所謂景薄為此宋本作北毫矣椒舉云商湯

有景毫之命者也闕駟曰湯都也毫本帝嚳之墟

在禹貢豫州河洛之間今河南偃師城西二十里

尸鄉亭是也皇甫謐以為考之事實學者失之如

孟子之言湯居毫與葛為隣是即毫與葛比也湯

地七十里葛又伯耳封域有限而寧陂去偃師八



百里

寧波據郡國志當作寧陵乃葛伯國也

不得童子饋餉而為之

耕今梁園

疑作國

自有二亳南亳在穀熟北亳在蒙

非偃師也古文仲虺之誥曰葛伯仇餉征自葛始

卽孟子之言是也崔駰曰湯冢在濟陰薄縣北皇

覽曰薄城北郭東三里平地有湯冢冢四方各

十步高七尺上平也漢哀帝建平元年大司空史

郤長卿按行水災因行湯冢在漢屬扶風今徵之

迴渠亭有湯地

宋本作湯池

徵陌是也然不經見難得

而詳按秦寧公本紀云二年伐湯三年與亳戰亳

王奔戎遂滅湯然則周穆疑桓王時自有亳王號

水經注箋

卷二十三

十四

王國

湯為秦所滅乃西戎之國葬于徵者也非殷湯矣

劉向言殷湯無葬處為疑杜預曰梁國蒙縣北有

薄伐城城中有成湯冢其西有箕子冢今城內有

故冢方墳疑卽杜元凱之所謂湯冢者也而先謂

之

孫云當作世謂之

王子喬冢冢側有碑題云仙人王子

喬碑曰王子喬者蓋上世之真人聞其仙不知興

何代也博聞道家或言潁川或言產蒙初建此城

則有斯丘傳承先民曰王氏墓暨于永和之元年

冬十二月當臘之時夜上有哭聲其音甚哀附居

者王伯怪之明則祭

當作登

而察焉時天鴻雪下無



仙人曰不能  
忘情於一  
名

人徑有大鳥跡在祭祀處左右咸以為神其後  
人著大冠絳單衣杖竹立冢前呼採薪孺子伊永  
昌曰我王子喬也勿得取吾墳上樹也忽然不見  
時令太山萬喜當作熙稽故老之言感精瑞之應乃  
造靈廟以休厥神於是好道之儔自遠方集或絃  
琴以歌太一或譚思以歷丹思當作田知至德之  
宅兆寔真人之祖先延熹八年秋八月皇帝遣使  
者奉犧牲致禮祠濯之敬一作致祀祇懼之敬肅如也國相  
東萊王璋字伯義以為神聖所興必有銘表乃與  
長史邊乾遂樹之玄石紀頌遺烈觀其碑文意似  
水經注箋

卷二十三

獲水出沔水於梁郡蒙縣北

非遠既有經見不能不書存焉蔡中郎集載有此碑今據之改正

漢書地理志曰獲水也十三州志曰首受留獲渠

亦兼丹水之稱也竹書紀年曰宋殺其大夫皇綏

今紀年宋本作皇瑗于丹水之上又曰宋大夫丹水壅不流

蓋沔水之變名也獲水自蒙東山水南有漢故繹

幕令匡碑漢郡國志清河國有繹幕縣匡字公輔魯府君之少

子也碑字碎落不可尋識竟不知所立歲月也獲

水又東逕長樂固北已氏縣南東南流逕于蒙澤

十三州志曰蒙澤在縣東春秋莊公十二年宋



與公爭搏殺閔公於斯澤矣。汜水又東，逕虞縣故城北。古虞國也。昔夏少康逃奔有虞，為之庖正。虞思於是妻之以二姚者也。王莽之陳定亭也。城東有漢司徒盛允墓。公字伯世，梁國虞人也。其先顛氏。至漢中葉，避孝元皇帝諱，改姓曰盛。世濟其美，以迄于公。察孝廉，除郎，累遷司空、司徒。延熹中立墓，中有石廟，廟宇傾頽，基構可尋。獲水又東南，逕空桐澤北。澤在虞城東南。春秋哀公二十六年冬，公遊于空澤，辛巳卒于連中。大尹左師興空澤之士壬午，奉公自空桐入如沃宮者矣。壬午當作壬甲左傳宋景

水經注箋

卷二十三

公遊于空澤，辛巳卒于連中。大尹興空澤之士壬午，奉公自空桐入如沃宮。杜預注云：壬甲謂甲士千人也。今吳本改為壬午，不知何據。獲水又逕龍譙國，又東合黃水口。上承黃陂，下注獲水。獲水又東入櫟林，世謂之

九里泮

泮，宋本作柞。陸機詩疏云：秦人謂木蓼為櫟。謂柞為櫟，河內人謂木蓼為櫟。

獲水又東

南逕下邑縣故城北。楚考烈王滅魯頃公，亡遷下邑。又楚漢彭城之戰，呂后弟周軍於下邑。高祖敗

還從周軍，子房肇捐地之策，收垓下之師。

史記項羽本紀

云：項王東至彭城，大破漢軍。漢王遁去，是時呂后兄周呂侯為漢將，兵居下邑。漢王間往從之，稍稍收其士卒，至滎陽，又韓信傳曰：漢王之困固陵，用張良計，召齊王信，遂將兵會垓下。此注中子房謂良也。宋本陸機所謂卽脫一下邑者也。王莽更名作于房誤。



下治矣舊本作下治獲水又東逕碭山縣故城北應劭

曰縣有碭山山在東出文石秦立碭郡蓋取山之

名也王莽之節碭縣也山有梁孝王墓其冢斬山

作郭穿石為藏行一里到藏中有數尺水水有大

鯉魚黎萌謂藏有神不敢犯之凡到藏皆潔齋而

進不齋者至藏輒有獸噬其足獸難得見見者佯

狗所未詳也山上有梁孝王祠獲水又東穀水注

之上承陽陂陂中有香城城在四水之中承諸陂

散流謂零水滾水清水也積而成潭謂之碭水趙

人有琴高者以善鼓琴為康王舍人行彭涓之術

水經注箋

卷二十三

浮遊碭郡間二百餘年後入碭水中取龍子與弟

子期曰皆潔齋待於水傍設屋祠果乘赤鯉魚出

入坐祠中碭中有千萬人觀之留月餘復入水也

破當作破水東注謂之穀水東逕安山北即碭北山

也山有陳勝墓秦亂首兵伐秦弗終厥謀死葬於

碭諡曰隱王也穀水又東北注于獲水獲水又東

歷藍田鄉郭又東逕梁國村秋縣故城南王莽之

子秋也獲水又東歷洪溝東注之水南北各一溝

溝首對獲世謂之洪溝非也春秋昭公八年秋蒐

于紅杜預曰沛國蕭縣西有紅亭即地理志之紅



縣高后三年封楚元王子富為侯國

漢王子侯國云景帝元年

封楚元王子富為休侯三年楚王戊反免後更封富為紅侯

王莽之所謂貢矣

蓋溝名是同非楚漢所分也

又東過蕭縣南

獲水北流注之蕭縣南對山世謂之蕭縣南山也

戴延之謂之同孝山云取漢陽城侯劉德所居里

名目山也劉澄之云縣南有冒山未詳孰是也山

有箕谷谷水北流注獲世謂之西流水言水上承

梧桐陂陂水西流因以為名也余嘗逕蕭邑城右

唯是水北注獲水更無別謝兆申云當疑即經所作更無別水

水經注箋

卷二十三

十八

謂睢水也城東西及南三面臨側

克家云當作側臨

獲水

故沛郡治縣亦同居矣城南舊有石橋處耗疑積

石為梁高二丈今荒毀殆盡亦不具誰所造也縣

本蕭叔國宋附庸楚滅之春秋宣公十二年楚伐

蕭蕭潰申公巫臣曰師人多寒王巡三軍拊而勉

之三軍之士皆同挾纊蓋恩使之然矣蕭女媯齊

為頃公之母卻克所謂蕭同叔子也獲水又東歷

龍城不知誰所創築也獲水又東逕同孝山北山

陰有楚元王家上圓下方累石為之高十餘丈廣

百許步經十餘墳悉結石也獲水又東淨淨溝水



注之宋本但云淨溝水上結宋本梧桐陂西北流

即劉中書澄之所謂白溝水也謝云白溝當作白瀆又北入

于獲俗名之曰淨淨溝也宋本但作名之曰淨溝也

又東至彭城縣北東入于泗

獲水自淨宋本無此淨字淨溝東逕阿育王寺北或言楚

王英所造非所詳也蓋遵育王之遺法因以名焉

與安陂水合水上承安陂餘波北逕阿育王寺側

水上有梁謂之玄注橋水傍有石墓宿經開發石

作工奇殊為莊構宋本作壯構而不知誰冢疑即澄之

所謂凌冢也水北流注于獲獲水又東逕彌黎城

水經注箋 卷二十三 十九

北劉澄之永初記所謂城之西南有彌黎城者也

獲水於彭城西南迴而北流逕彭城城西北舊有

楚大夫龔勝宅即楚老哭勝處也漢書王莽遣謁者持安車印綬

即拜楚國龔勝為太子師友祭酒勝不應徵不食而死時年七十九矣有老父來弔哭甚哀曰嗟乎

薰以香自燒膏以明自銷龔生竟大天年非吾徒也勝居彭城廉里後世刻石表其里門獲水

又東轉逕城北而東注泗水北三里有石冢被開

傳言楚元王之孫劉向冢未詳是否城即殷大夫

彭祖之國也宋本作老彭之國於春秋為宋地楚伐宋并

之以封魚石崔子季珪述初賦曰想黃公於邳圯

魚石於彭城即是縣也孟康曰舊名江陵為南



楚陳為東楚彭城為西楚

按史記正義曰淮水出彭城汝南郡為西楚

城以東東海吳廣陵為東楚衡山九江江南豫章長沙為南楚

文穎曰彭城故東

楚也項羽都謂之西楚漢祖定天下以為楚郡封

弟交為楚王都之宣帝地節元年更為彭城郡

孫

史記楚元王世家高祖六年已禽楚王韓信於陳乃以弟交為楚王都彭城子王戊與吳王合謀反

起兵至昌邑南楚王戊自殺孝景帝欲以元王子禮續楚是時禮為漢宗正乃拜禮為楚王奉元王宗廟地節二年中人上書告楚王

謀反王自殺國除入漢為彭城郡王莽更之曰和

樂郡也徐州治城內有漢司徒袁安魏中郎徐庶

等數碑並列植於街右咸曾為楚相也大城之內

有金城東北小城劉公更開廣之皆壘石高四丈

水經注箋

卷二十三

二十

列壘環之小城西又一城是大司馬琅邪王所修

因項羽故臺經始即構宮觀門閣惟新厥制義熙

十二年霖雨驟澍汴水暴長城遂崩壞冠軍將軍

彭城劉公之子也登更築之悉以博壘宏壯堅峻

樓櫓赫奕南北所無宋平北將軍徐州刺史河東

薛安都舉城歸魏魏遣

當作

博陵公尉苟仁城陽

公孔伯恭援之邑閣如初觀不異昔自後毀撤一

時俱盡間遺工雕鏤尚存龍雲暹勢奇為精妙矣

城之東北角起層樓於其上號曰彭祖樓地理志

曰彭城縣故彭祖國也世本曰陸終之子其三日



錢是爲彭祖彭祖城是也下曰彭祖冢彭祖長年  
八百綿壽永世於此有冢蓋亦元極之化矣其樓  
之側汴帶泗東此宋本作北爲二水之會也聳望川原  
極目清野斯爲佳處矣

己未正月十九夜讀